

須溪先生校本韋蘇州集

三



鎮溪先生校本

蘇州刺史韋



蘇州刺史韋

應物

寄贈下六十二首

寄柳州韓司戶郎中



一作

識與昧機智殊跡同靜於焉得携

手

屢賞清夜景蕭灑陪高詠從容羨華省

一逐風波遷南登桂陽嶺舊里門空掩歡

一作

遊事皆屏悵望城闕遙幽居時序永

春風吹百卉和煦變閭井獨悶終日眠篇

書不復省唯當望雨露霑子荒遐境

卷之三

卷之三

三

寄令狐侍郎

三山有瓊樹霜雪色逾新始自風塵交中

結綢繆姻西掖方掌誥南宮復司春夕燕

華池月朝奉玉階塵衆寶歸和氏吹噓多

俊人羣公共然諾聲問邁時倫孤鴻既高

舉鷲雀在荆榛翔集且不同豈不欲殷勤

一旦遷南郡江湖渺無垠寵辱良未定君

子豈緇磷寒暑已推斥別離生苦辛非將

會面目書札何由申

閑居寄端及重陽

山明野寺曙鍾微，雪滿幽林人跡稀。
閑居寥落生高興，無事風塵獨不歸。

園林晏起寄昭應韓明府盧主簿
田家已耕作，井屋起晨煙。
園林鳴好鳥，閑居猶獨眠。
不覺朝已晏，起來望青天。
四體一舒散，情性亦忻然。
還復茅簷下，對酒思數賢。
束帶理官府，簡牘盈目前。
當念中林賞，覽物遍山川。
上非遇明世，庶以道自全。

寄大梁諸友

分竹守南譙，弭節過梁池。
雄都衆君子，出餞擁河湄。
燕謔始云洽，方舟已解維。
一爲風水便，但見山川馳。
昨日次睢陽，今夕宿符離。
雲樹愴重疊，煙波念還期。
相敦在勤事，海內方亦

新秋夜寄諸弟

兩地俱秋夕，相望共一作星河。
高梧一葉好下，空齋歸思多。
方用憂人瘼，況自抱微疴。
無將別來近，顏鬢已蹉跎。

郊園聞蟬寄諸弟

去歲郊園別，聞蟬在蘭省。
今歲卧南譙，蟬

鳴歸路求夕響依山郭餘悲散秋景一作餘声

發秋緘書報此時一作遠景此心方耿耿

寄中書劉舍人

雲霄路竟別中年跡暫同比翼趨丹陛連
騎下南宮佳詠邀清月幽賞滯芳叢迨予
一出守與子限西東晨露方捨捨一作離
抱更忡忡忽睹九天詔秉綸歸國工玉座
浮香氣秋禁散涼風應向橫門度一作環
珮杳玲瓏光輝恨未矚歸思坐藉通蒼蒼
松桂姿想在掖垣中

郡齋感秋寄諸弟

首夏辭舊國窮秋卧滌城方知昨日別忽
蒼祖歲驚高閣收煙霧池水晚澄清一作明
戶牖已淒爽晨夜感深情昔遊郎署間是
月天氣晴一作清授衣還西郊曉露田中一作
野行采菊投酒中昆弟自同傾簪組聊挂
壁焉知有世榮一旦居遠郡山川間音形
大道庶無累及茲念已盈

郡中對雨贈元錫兼簡楊凌

宿雨冒空山空城響秋葉沉沉暮色至淒

淒涼氣入蕭條林表散的礫荷上集夜霧
着衣重新苔侵履温遇茲端憂日賴與嘉
賓接

冬至夜寄京師諸弟兼懷崔都水

理都無異一作美政所憂在素飡徒令去京

國羈旅當歲寒子一作玄月生一氣陽景極

南端已懷時節感更抱別離酸私燕席一作

夕云罷還齋夜方闌邃幕沉空宇一作孤

燭照床單應同茲夕念寧忘改歲歡川塗

恍悠邈涕下一闌干

元日寄諸弟兼呈崔都水

一從守茲郡兩鬢生素髮新正加我年故

歲一作嘉忽淮濱異時候了似仲秋月川谷風

景温城池草木發高齋屬多暇怙悵臨芳

物日月昧還期念君何時歇

寄畿方劉郎中

相聞二十載不得展平生一作旦南宮

遇聊用寫中情端服光朝次羣列慕一作器

英聲歸來坐粉闈揮筆乃縱橫始陪文翰

遊燕難久并子因謬忝出君為沉疾嬰

別離寒暑過荏苒春草生故園茲日隔新禽池上鳴郡中永無事歸思徒自盈

社日寄崔都水及諸弟羣屬

山郡多暇日社時放吏歸坐閣獨成悶行塘閱清輝春風動高柳芳園掩夕身遙思里中會心緒悵微微

寒食日寄諸弟

禁火暖佳辰念離獨傷抱見此野田花心思杜陵道聯騎定一作竟何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花斂夕一作色對酒始依依懷人還的的誰當曲水行相思尋舊跡

贈李儋侍御

風光山郡少來看廣陵春殘花猶待客莫問意中人

寄楊協律

吏散門閣掩鳥鳴山郡中遠念長江別俯甕座隅空舟泊南池雨簾卷北樓風併罷芳樽燕為愴昨時同

奉酬滁州寄示

楊凌

淮陽一作南為郡暇坐惜流芳歇散懷累謝
風清暑澄潭月陪燕舜三楚飛途綿百起
非當遠別辭雅奏何由發

郡齋贈王卿

無徒謬稱簡其詩多此等似水味素飡空自嗟秋
齋雨成滯山藥寒始華濩落人皆笑幽獨
歲逾賒唯君出塵意賞愛似山家一作僧家

簡伯璣

室一作臺

虛多涼氣一作風

天高屬秋時空庭

夜風雨草木曉離披簡書日云曠文墨誰
復持聊因遇澄靜一與道人期

閑居寄諸弟

秋草生庭白露時故園諸弟益相思
盡日

高齋無一事芭蕉葉上自題詩使婦人自詠團扇偶題豈不妻絕識此才得為數

登樓寄王卿

踏閣攀林恨不同楚雲滄海思無窮
數家砧杵秋山下一郡荆榛寒雨中
高視城邑真復如此

開闔野興甚濃正是絕意後增兩聯即情味不復如此

寄暢當

聞以子弟
被召從軍

寇賊起東山，英俊方未閑。聞君新應募，籍籍籍動京關。出身文翰場，高步不可攀。青袍未及解，白羽挿腰間。昔為瓊樹枝，一作今有風霜顏。秋郊細柳道，走馬一夕還。丈夫當為國，破敵如摧山。何必事州府，坐使鬢毛斑。

贈崔貞外

一別十年事，相逢淮海濱。還思洛陽日，更話府中人。且對清觴滿，寧知白髮新。忽忽何處去，車馬冒風塵。

寄李儋元錫

去年花裏逢君別，今日花開已半年。世事茫茫難自料，春愁黯黯一作忽忽獨成眠。身多疾病思田里，邑有流亡俾俸錢。聞道欲來相問訊，西樓望月幾迴圓。

京師叛亂寄諸弟

弱冠遭世難，二紀猶未平。羈離官一作守遠，郡虎豹滿西京。上懷犬馬戀，下有骨肉情。歸去在何時，流淚忽霑纒。憂來上北樓，左

右但軍營函谷行人絕淮南春草生
野田間思憶故園里一作行何當四海晏甘
與濟民耕

贈琮公

山僧一相訪吏案正盈前
出處似殊我喧靜兩皆依一作禪
暮春華池宴清夜高齋眠
此道本無得寧復有忘筌

寄諸弟

建中四年十月三日京師兵亂自滁州間道遣使明年與元甲子歲五月九日使還

歲暮兵戎亂京國帛書間道訪存亡還信

忽從天上落唯知彼此淚千行

寄怕瓌

心絕去來緣跡一作踵順一作斷人閒事獨尋
秋草徑夜宿寒山寺今日郡齋閑思問楞伽字

簡郡中諸生

守郡卧秋閣四面尽荒山此時聽夜雨孤
灯照窻間藥園日蕪漫書帷長自閑惟當
上客至談詩一解顏

寄全椒山中道士

今朝郡齋冷，忽念山中客。澗底東山，依荆
薪歸來煮白石。欲持一瓢酒，遠慰風雨夕。
落葉滿空山，何處尋行跡。慰一作寄，○其
自多此意及得意如此亦少。

寄釋子良史酒

秋山僧冷病，聊寄三五杯。應瀉山瓢裏，還
寄此瓢來。

重寄

復寄滿瓢去，定見空瓢來。若不打瓢破，終
當費酒材。

答釋子良史送酒瓢

此瓢今已到，山瓢知已空。且飲寒_冬塘水，遙
將回也同。一作遙知回也風

簡陟巡建三甥盧氏生

忽羨後生連榻話，獨依寒燭一齋空。時流
歡笑事從別，把酒吟詩待尔同。

覽襄子卧病一絕聊以題示沈氏生全真

念子抱沉疾，霜露變淙城。独此高窓下，自
然無世情。韋端 韋襄

寄璨師

林院生夜色西廊上紗燈時憶長松下獨
坐一山僧極意自然又有如此不足畫者存此為證

寄盧陟

御葉遍寒塘曉霜凝高閣累日此留連別
來成寂寞題壁淺淺如是此一種風氣亦復可誦

途中寄揚邈裴緒示褒子

永陽縣館中作

上宰領淮右下國扁鵲星馳霧野騰曉騎霜
竿裂凍旗蕭蕭陟連岡莽莽望空陂風截
鴈嘹唳雲參差高齋明月夜中庭松
桂姿當睽一酌恨沉此兩句期

宿永陽寄察律師

遙知郡齋夜凍雪封松竹時有山僧來懸
燈獨自宿蘇州用意常在此等故清鍊特勝觸處自然

雪竹寄褒子

浙瀝覆寒騎飄緇暗川容行子郡城曉披
雲看杉松乍看不上久竟悵悒善畫故知作者苦心

寄裴處士

春風駐遊騎晚景澹山暉一問清冷子獨
掩荒園扉草木兩來長里閭人到稀方從
廣陵宴花落未言歸

偶入西齋院示釋子恒璨

僧齋地雖密忘子跡要除一來非問訊自
是看山花
每以有情作無情語自是得意

示全真元常元常趙氏生

余辭郡符去尔為外事牽寧知風雪夜復
此對床眠始話南池飲更詠西樓篇無將
一會易歲月坐推遷

寄劉尊師

世間荏苒紫此身長望碧山到無因白鶴
徘徊看不去遙知下有清都人

寄廬山撥衣居士

兀兀山行無處歸山中猛虎識撥衣俗客欲
尋應不遇雲溪道士見猶稀好○楚楚之不容易

因省風俗與從姪成緒遊山水中
道先歸寄示

累宵同燕酌十舍携征騎始造雙林寂
搜洞府秘羣峯繞盤鬱懸泉仰特一作異

陰壑雲松埋陽崖煙花媚每慮觀省牽中
垂遊踐志我尚山水行子歸棲息地一操
臨流 袂上聳干雲轡獨往倦危途懷冲

一作寡幽致賴尔還都期方將登樓邊

寒食寄京師諸弟

雨中禁火空齋冷江上流鶯獨坐聽把酒
看花想諸弟杜陵寒食草青青

字字是情是景不待

安排故以為上

歲日寄京師諸季端武等

獻歲抱深慄僑居念歸鄉常患親愛離始
竟世務牽少事河陽府晚守淮南壘平生幾
會散已及蹉跎年昨日罷符竹家貧遂留
連部曲多已去車馬不復全閑將酒為偶

辛酉年

子

默以道自詮聽訟南叢寺見月西澗泉為
政無異術當責豈望遷終理一作來時乘
歸鑿杜陵田

簡盧陟

可憐白雪世未遇知音人恓惶戎旅下蹉
跎淮海濱澗樹含朝雨山鳥哢餘春我有
一瓢酒可以慰風塵

西澗即事示盧陟

寢扉臨碧澗晨起澹忘情空林細雨至園
文遠水生永日無餘事山中伐木聲知子

塵喧久暫可散煩纒

登郡寄京師諸季淮南子弟

始罷永陽守復卧潯陽樓懸檻飄寒雨危
堞侵一作江流迨茲聞馮夜重憶別離秋
徒有盈樽酒鎮此百端憂

寄黃尊師

結茅種杏在雲端掃雪焚香宿石壇靈祇
不許世人到忽作雷風登嶺誰

寄黃劉二尊師

廬山兩道士各在一峯居矯掌白雲表晞

髮陽和初清夜降真侶焚香滿空虛一作廬

中有無為樂自然與世疎道尊不可屈符
守豈暇餘高齋遙致敬願示一編書

秋夜寄丘二十二員外

懷君屬秋夜散步詠涼天山空松子落幽人應
未眠其寄丘丹如此丹答云露路滴梧葉鳴風秋桂花發中有李仙侶吹簫弄山月便竟句句著力

奉訓寄示

丘丹

露滴梧葉鳴風秋桂花發中有李仙侶吹
簫弄山月便竟多事

贈丘員外二首

高詞棄浮靡貞行表鄉閭未真南宮拜聊
偃東山居大藩本多事日與文章踈每一
覩之子高詠遂起予宵晝方連燕煩悵亦
頻祛格言雅誨闕善謔矜數餘久跼思遊
曠窮慘遇陽舒虎丘愜登眺吳門悵躊躇
方此亦携手豈還舊墟告諸孩第文孝為
何如

跡與孤雲遠心將野鶴俱那同石氏子每
到府門趨

奉酬

丘丹

父作煙霞侶暫是將簪組親還同褚伯玉入
館忝州人

贈李判官

良玉定爲寶長材時所希佐幕方巡郡奏
命布恩威食蔬程獨守飲冰節靡違決獄
興邦頌高文稟天機賓館在林表望山啓
西扉下有千畝田決漭吳土肥始耕已見
獲衿絺今授衣政拙勞詳省淹留未得歸
雖慙且忻願日夕覩光輝

寄皎然上人

吳興老釋子野雪蓋精廬詩名徒自振道
心長晏如憇茲棲禪夜見月東峯初鳴鐘
一作驚巖壑焚香滿空虛叨慕端成舊未
識豈為踈願以碧雲思方君然別餘茂苑
文華地流水古僧居何當一遊詠倚閣吟
躊躇

贈崔君識

少年遊太孛負氣蔑諸生蹉跎三十載今
日海隅行

復理西齋寄丘負外

前歲理西齋得與君子同迨茲已一周悵
望臨春風始自踈林竹還復長榛蕪端正
良難久蕪穢易為功援斧開衆鬱如師啓
羣家庭宇還清曠煩抱亦舒通海隅雨雪
零春序風景駢時物方如故懷賢思無窮

和張舍人夜直中書寄吏部

西垣草詔罷南宮憶上才月臨蘭殿出涼
自鳳池來松桂生丹禁鴛鴦集雲臺託身
各有所相望徒徘徊

和李二主簿寄淮上綦母三

滿城憐傲吏終日賦新詩請去聲報淮陰客
春帆浪作音期

寄一嚴士良發牧
士元柳牧

絲竹久已懶今日遇君收打破蜘蛛千道
網何等雜劇語却
可引用為戲

須溪先生校點韋蘇州集卷第三



